



Fylkesmannen i Hordaland

Sakshandsamar, telefon
Beate Helland, 5557 2215

Vår dato
05.02.2018
Dykkar dato

Vår referanse
2018/520 730
Dykkar referanse

Kommunane i Hordaland

Kommunalt kompetanse- og innovasjonstilskot 2018

Tilskot til kompetanseheving og innovasjon for å stimulere kommunane til å møte framtidens utfordringar på helse- og omsorgsfeltet med berekraftige og gode tiltak og tenester.

Utfordringsbiletet slik det står i Meld St 29(2012-2013) Morgendagens omsorg kap 1.2.2 gjev overordna føringar for tilskotsordninga. Kommunar kan søkje om midlar til kompetanseutvikling, opplæringstilskot knytt til brukarstyrt personleg assistanse og innovasjonsprosjekt.

Søknadsfrist: 23.mars 2018

Kven som kan søkje: Kommunar og Fylkeskommunar

Kommunar kan gjerne søkje i samarbeid med andre kommunar, helseføretak, næringsliv, frivillig sektor eller andre aktørar.

Beløp som skal fordelast i Hordaland: Ikkje avklart enno

Statsbudsjettreferanse: kapittel 761, post 68, Helse- og omsorgsdepartementet

Målet for ordninga

Hovudmål:

Stimulere kommunane til kompetanseutvikling og innovasjon for å møte framtidens utfordringar på helse og omsorgsfeltet med berekraftige og gode tiltak og tenester.

Delmål:

- sterkare brukarinnverknad og betre samspel med pårørande, frivillige og lokalsamfunnet
- førebyggje og utsetje behov for kompensierende tenester og bidra til at brukarane opprettheld eller gjenvinn sin funksjonsevne og sjølvstende
- styrka leiarkompetanse, fagutvikling, større fagleg breidde, tilstrekkeleg, kompetent og stabil bemanning
- etisk refleksjon og kunnskapsbasert praksis

Målgruppe

Primærmålgruppa er leiarar, tilsette og personar som kan rekrutterast til å jobbe i helse- og omsorgstenesta, inklusive psykisk helse – og rustenester.

Sekundærmålgruppe er brukarar av dei kommunale helse- og omsorgstenestene, inklusive psykisk helse – og rustenester og deira pårørande.

Tildelingskriterier og prioriteringar for ordninga:

Følgjande søknader skal prioriterast:

Grunn- vidare og etterutdanning, her under opplæringstiltak for å styrkje kompetansen helse- og omsorgstenestene

Opplæring knytt til BPA med følgjande prioriteringsrekkefølge:

1. Opplæringstilskot for nye og etablerte brukarar/arbeidsleiarar
2. Opplæringstilskot for kommunane sine saksbehandlarar
3. Opplæringstilskot for assistentar

Innovasjonsprosjekt.

Det blir prioritert midlar til nye tiltak og metodar innan:

- førebygging, tidleg innsats og eigenmeistring
- rehabilitering og habilitering , her under kvardagsrehabilitering
- velferdsteknologiske løysningar
- samspel med pårørande og frivillige i omsorgssektoren generelt og i demensomsorga spesielt
- legemiddelhandtering
- ernæring
- fritidsaktivitet med assistanse
- kulturopplevingar
- andre nyskapande løysningar som er viktige for brukarane av dei kommunale helse- og omsorgstenestene

Tiltak som har innovasjonsfellesskap med næringsliv og/eller utdannings- og forskingsinstitusjonar skal ha eit fortrinn.

Tildelingskriterier

Alle søknader vil bli vurdert ut frå nokre generelle tildelingskriterier. I tillegg blir søknader innanfor kategoriane kompetanseutvikling og BPA vurdert ut frå særskilte tildelingskriterier. Sjå regelverket for nærare detaljar om tildelingskriterier.

Innovasjons- og kompetansetilskotet skal sjåast i samanheng med Kommunal- og moderniseringsdepartementets skjønntilskot, som også kan brukast til kommunal innovasjon og utvikling.

Andre opplysningar

Det blir som hovudregel lagt til grunn ein kommunal eigendel. Dersom kommunen tar mot andre statlege tilskot der det er lagt inn ein føresetnad om kommunal eigendel, skal tilskotsmidlane ikkje brukast til å dekkje denne kostnaden.

Resultata av innovasjonsprosjekta skal dokumenterast og fylkesmannen skal gjere ei vurdering av i kva grad prosjekta har overføringsverdi til andre kommunar. Fylkesmannen skal vidareformidle resultata frå prosjekta til andre kommunar og stimulere til læring og erfaringsutveksling.

Korleis søkje

Søknad skal fyllast ut i vedlagte søknadsskjema:

1) Skjema «Søknad om tilskot til kompetanse og innovasjon på statsbudsjettets kapittel 0761 post 68» skal nyttas av alle som søker om tilskott

2) Dersom det vert søkt om tilskott til fleire innovasjonsprosjekt, så ber vi om at desse vert nummerert og om at det vert laga ei prosjektbeskriving for kvart prosjekt (Jf. pkt 3 i søknadsskjema nevnt i pkt1)

3) Ved søknad om kompetansetilskot ber vi om å få tilsendt kompetanseplan. Ved søknad om BPA ber vi om å få tilsendt opplæringsplan

Søknaden blir å sende elektronisk til Fylkesmannen si postadresse:

<https://www.fylkesmannen.no/Hordaland/Tilskot/>

Rapportering på mottatt tilskot

Det blir opplyst i tilskotsbrevet om rapporteringsfrist og krav til rapportering for eventuelt tilskot ein får i 2018.

Les meir i regelverket Regelverk Kommunalt kompetanse- og innovasjonstilskot 2018

Med helsing

Sjur Lehmann
ass. fylkeslege/seksjonsleiar helse

Beate Helland
rådgjevar

Brevet er godkjent elektronisk og har derfor inga underskrift.

Kontaktpersonar hos Fylkesmannen

- Marta Havre, tlf. 55572211 fmhomhv@fylkesmannen.no
- Beate Helland, tlf. 55572215 fmhobeh@fylkesmannen.no
 - Siri Meland, tlf. 55572200 fmhosim@fylkesmannen.no